

東昌府志卷之三

風俗

東昌府

齊地也有

齊修造術

功名符後湖

許不情急之別



濟南平原初太公治

今其土多好得術

省朋黨有與行謬虛

易放縱

漢地理志

今之東郡及魏郡黎陽皆衛分也其俗剛武上氣力

宣帝時魏延壽為東郡太守承聖恩登酒表尊諫諍

東昌府志卷三

風俗

東昌府

齊地北有千乘清河以南西有濟南平原初太公治齊修道術尊賢智賞有功故至今其土多好經術矜功名舒緩濶達而足智其失奢朋黨言與行謬虛詐不情急之則雜散緩之則放縱

漢地理志

今之東郡及魏郡黎陽皆衛分也其俗剛武上氣力宣帝時韓延壽為東郡太守承聖恩崇禮義尊諫靜

東昌府志

卷之三

風俗

至今東郡號善為吏延壽之化也其失頗奢靡嫁娶

送死過度

全上

趙分晉得趙國東有廣平鉅鹿清河河間南至浮水繁陽皆趙分也趙中山地薄人眾猶有沙邱討淫亂餘民丈夫相聚遊戲悲歌慷慨起則椎剽掘冢

全上

東郡東平濟北武陽平原等郡兼得鄒魯齊衛之交舊傳太公康叔之教亦有周孔遺風今此數郡其人

多好儒學性質直懷義有古之風烈矣

隋書地理志

信都清河河間博陵恒山趙郡武安襄國其俗頗同

人性多敦厚務農桑好儒學而傷於遲重前代稱
幽之士鈍如椎蓋取此焉俗重氣俠好結朋黨其生
死相赴亦出於仁義故班志述其土風悲歌慷慨椎

剽掘冢亦自古之所患焉諺云仕宦不偶遇冀部實

弊此也又曰魏郡清河天公無奈何云

隋書地理志

人性剛直學古者不知力農之勞通鬻者不知奇巧

之法

宋書地理志

俗故漸習尚父康叔之遺教屢變至春秋戰國當諸

一侯冠裳兵車之會故矜功名尚氣力漢韓延壽爲東

東昌府志

卷之三

風俗

二

郡太守表孝弟修學宮問行縣邑召父老問謠俗因

與定嫁娶喪祭品儀又令學校官諸生皮弁執俎豆

爲吏民倡是時政教大行最號易治唐宋辱於強藩

至有明滌垢振靡曠然一新當時土著少詔徒旁郡

民填實之俗務織齊治生不吝爲吏有司試輒跳去

成化間盛修詩書之業服食樸素士宦歸里不張車

蓋嘉靖間生齒滋蕃葢藏露積庠序之間斷斷如也

里黨讎會少長不均茵席而坐隆慶後風恣侈靡廢

民轉相倣效器服詭不中度遊閒公子輿馬相矜盛

飾蟬蟒之習意氣揚揚媵鄙閭里瀕河諸城尤甚自
堂邑在平諸君子正身表率鄉黨循慕其迹駸駸向
化三加禮久廢士人子弟甫佩鞮率紛而冠雜用唐
晉諸製昏喪不純依古葬好爲下里僞物飾禺車禺
馬相炫耀墓法以昭穆爲敘近稍信青烏家言已葬
復徙祀非品官家不廟歲時薦食壠上秋晚務閒里
社釀金徵會盃酒豚蹄歌烏烏相勞苦又時裹贏糧
走泰山武當渡海謁普陀祈請無虛歲黠滑者嘗藉
里人過失投旁郡之偵事者以張威於里閭少年喜

東昌府志

卷之三

風俗

三

榜博良家子失計時墮術中有司雖痛懲之尋引曹
呼盧如故百姓急公趨賦雖甚寔齋貧子錢應期而
輸租課山以東獨郡屬無逋欠萬歷己亥兩權使駐
境上訛言蠶起小民感額相弔自城市以至村落爭
奉無爲等教持齋諷闔境嚮應語曰百里不同風
州縣俗各列於後

萬歷舊志

聊城縣

博州號爲上州從來服儒冠道先王語登科者代不

乏人

元修學記

其爲府治居維武校服室器用競崇鮮華公議嚴
三尺士夫遂巡自愛百姓訟稀少然多昔虛寡積聚
由東關溯河而上李海務周家店居人陳椽其中逐

時營殖 萬歷 舊志

近鄒魯之鄉沾孔孟之化初尚媵詐之習後變爲淳
厚之俗迨入明季密邇兩京風化沾被日久民有恒
產皆慕詩書禮樂男務農女勤織紝閭閻細民亦願
遣子入學五倫之道藹然而復淳風視昔尤美縣志

堂邑縣

東昌府志

卷之三 風俗

四

士大夫率多懷義質直侃侃明達通志
忠厚坦夷而無譎險乖僞之習其爲風也激而振融
而峻志有所不爲而行敦可尚通志

士風嫻秀善唇齒喪動循古儀雖華弗佻百姓勤
身服縛不業非分萬歷 舊志

其人優游易治頗習禮儀有鄒魯之風又云親喪有
十餘年不葬者謂之忍遽置之郊野以爲厚云衣冠

家亦然舊縣志

其俗樸愿而茂有秉心塞淵之風焉顧頗循習故事

彈於興改然亦無有桀黠漁食持長吏長短者租賦
不待督輒先期報竣最爲易治士多才而文試童子
常五六百人與聊城埒爲諸縣冠又云俗務織膏明
成化間盛修詩書之業隆慶後漸以侈靡其後鄉先
生有正身表率者於是始相循效寢還舊風又云急
公趨賦雖甚寔必貸子錢以辦少年頗有以樗博至

蕩產者

縣志

平縣

地狹小饒什五市販士動矜名檢問負氣不下閭巷

寶昌府志

卷之三

風俗

五

儉嗇畏罪重爲邪

萬歷舊志

荏平縣

絃誦之聲郁郁颯颯

德政記

一質直鮮約其流近傲

德政記

絃歌誦讀習容觀禮知洒掃應對進退之節親親長

長之風

修學記

絃誦日聞文教丕作

修學記

邑當南北午衝民無蓋藏惡衣食以致畜殖風氣勁

悍嗜酒輕鬪俗質直多斤斤媵修之士

萬歷舊志

民務農桑士尚詩禮凡昏喪之類互相伙助習俗雖
致禔而亦敦好禮義

縣志

清平縣

邑舊割博平縣之靈明寨居民纔數百家土垣茅屋

四郊平沙曼衍俗近樸約城以西多士族人磊落濶

達足智

萬厯舊志

莘縣

士風淳篤男女勤於耕紵俗嚴事城隍神人有冤苦

抱牒叩廟而呼訟較他邑甚簡

萬厯舊志

東昌府志

卷之三 風俗

六

秉性樸直習尚禮義窮達不變貧富相周風俗之厚

有自來矣

縣志

冠縣

土薄俗儉大類莘士風倜儻耻尚齷齪賈鎮清水舊

稱名區列隧微儻其俗織巧逐末多衣冠之族

萬厯舊志

館陶縣

風氣淳和士馴雅好文密邇臨清服室侈踰自部使

監兌境上居民館中州富戶而利其竒贏俗爭棄農

務習

萬厯舊志

俗近淳厚家知禮遜習俗節儉人多讀書士風彬彬

賢長宏博一統志

士習詩書尚禮義民樸實無浮華通志

家習儒業人以文鳴農桑務本戶口殷富舊志

高唐州

州困郵傳賦役煩重物力彫耗百姓攻苦力穡無聲

色狗馬之好其俗崇巫信鬼任俠使氣萬歷舊志

民務農桑俗尚節儉其士大夫則篤行誼耻浮薄機

械之巧不足而忠信有足尚焉舊志

東昌府志 卷之三 風俗

七

嫁娶不論財帛喪葬不尚僧道訴告雖有而無健訟

者舊志

恩縣

多慷慨悲歌之士韓文

邑故前代雄鎮鬱有人文歲困驛使里井蕭騷其俗

敦重無狙獷之人士人魁岸踔厲悲烈慷慨不肯公

植私萬歷舊志

農忽本業齊民驕溢僭及綺縠病信巫喪作佛事婦

媼結社誦經奢情幻惑縣志

郡故附於後言形勝者可以以矣

東昌府志

卷之三

形勝

形勝

東昌府

府地平土沃無大川名山之阻而轉輸所經常爲
北孔道且西連相魏北接德景戰國時東諸侯往往
爭衡於此後漢末荀彧說曹操曰將軍本以兗州首
事且河濟天下之要地是亦將軍之關中河內也不
可不先定晉室之亂郡境被兵者百餘年唐藩鎮稱
兵魏博最爲強橫明靖難之師亦力戰於城下豈非
地形四通郡爲戰守必資之處哉

東昌府志

卷之三

形勝

八

劉淇曰周定王五年河南徙實魯宣公之七年也由
是以來遂瀕河矣齊晉有事自莘以北皆濟師之所
蕪代韓非所謂有清濟濁河足以爲限者也漢莘以
北諸縣並在濟水之西故代又謂濟西不役所以備
趙也西漢以來地居必爭光武以銅馬興魏武以阿
鄆奮田氏以貝博抗其時不惟此一衣帶水而已漳
衛滌濟屯氏瓠子爲馬旁午縈環所在限阻卽已堙
絕者而故瀆尚存夏潦時至並爲大川故地雖平行
險足賴也宋世河徙汴由是河滌皆絕而他故瀆

以填淤遂爲桑棗之區四輪之國矣按周禮夏官司
圉掌修城郭溝池樹渠之固若造都邑則治其固與
其守法凡國都之竟有溝樹之固郊亦有之皆有職
焉若有山川則因之又司險掌九州之圖以周知其
山林川澤之阻而達其道路設國之五溝五涂而樹
之林以爲阻固皆有守禁而達其道路國有故則藩
塞阻路而止行者以其屬守之唯有節者達之此言
國有山林川澤之險則因之以爲固無其險則溝涂
足以限戎馬之足林木足以當隱革之用險成於人
而不徒賴其地故坎卦大象云王公設險以守其國
也井田旣廢而溝洫滄川之制剗地無餘連阡平疇
蕩蕩極望故在於今設險爲難然而渠阜林木未嘗
不可因其勢而默成之是則地有古今而因地制用
者無古今也

按通志聊城以下各有駢語援據不確意取比麗
與舊志八景並近於戲而永樂大典所載特四至
耳今並刪之惟府治爲漕渠要衝採讀史方輿紀
要二條用備省覽而劉淇之說見堂邑志足概一

東昌府志卷三

五行

洪範首五行次五事而告以休咎之徵班固漢書因
採董仲舒劉向與子歆發明天人感應之理
夫神道遠人道邇恐懼修者詩所云敬天之怒無敢戲
豫敬天之渝無敢馳驅是已禹水湯旱盛世不免要在
捍災禦患挽回氣運耳春秋紀災異百二十二聖人乘
戒之意豈不深切著明哉

秦始皇三十六年石隕于東郡

東昌府志

卷之三

五行

漢文帝十二年河決酸棗東潰東郡金隄

通鑑

武帝元光二年秦河水徙從頓邱東南流入渤海夏河

決濮陽汎郡十六

元帝永光五年河決于清河壘陽慎口

通鑑

建昭二年十一月齊楚地大雪深五尺是歲魏郡太守

京房爲石隄所害

五行志

成帝建始四年河決東郡金隄

順帝嘉四年秋渤海清河河溢

以上本紀

王莽始建國三年河決魏郡汎清河之東數郡

晉末天下旱蝗黃金一觔易粟一斛並光武紀

後漢光武帝建武二年天下野穀旅生麻菽尤盛野蠶

成爾被於山阜人收其利焉本紀

六年東郡以北水大饑舊志

明帝永平十七年春正月甘露降於甘陵

十八年牛疫京師及兗豫徐三州大旱

桓帝延熹八年夏四月濟陰東郡濟北河水清以上本紀

九年夏四月濟陰東郡濟北平原河水清以上本紀

靈帝中平元年妖草生舊志

東昌府志 卷之三

五行

二

獻帝興平元年自正月至於七月不雨穀一斛五十萬

豆麥一斛二十萬人相食本紀

夏東郡蝗三國魏志

魏文帝黃初三年冀州大蝗民饑

五年冀州饑

明帝景初元年冀兗徐豫大水遣侍御史巡行沒溺失

產者賑救之以上本紀

元帝景元元年十二月黃龍見莘縣井中宋書符瑞志

晉武帝太始四年青徐兗豫大水

五年青徐兗大水以上通鑑

咸寧二年夏四月清河郡靈縣木連理秋七月壬辰

白麇見魏郡並宋書符瑞志

四年冀兗豫六州大水通鑑

八年荆揚豫徐冀五州大水

東晉元帝太興元年冀徐青三州蝗以上帝紀

成帝咸康二年冀青等六州火旱穀貴金一觔值米二

升石季龍紀

三年夏冀州八郡大蝗石虎紀

東昌府志卷之三五行

北魏太武神廡四年山東大水

太平真君九年山東饑以上本紀

孝文帝延興十三年武城縣獻白雉

太和八年清河郡獻白雉

十九年陽平郡獻白雉以上舊志

宣帝正始四年司州饑通鑑

孝昌三年清河郡木連理舊志

東魏武成帝太寧二年夏四月河濟清

河清四年司州水

北齊後主天統四年自正月不雨至五月

四年饑

隋文帝開皇八年河北諸州饑以上本紀

恭帝義寧元年河南山東大水饑殍滿野死者日數萬

人通鑑

唐太宗貞觀元年夏山東大旱

三年貝州水

六年河南北數州大水

七年九月山東河南三十州大水以上本紀

東昌府志 卷之三 五行 四

高宗顯慶元年九月貝州火焚倉庾甲仗民居二百餘

家舊志

麟德二年大稔米到五錢雜麥不列市本紀

元宗開元十年六月河決博州五行志

十四年八月魏州河溢通鑑

二十五年貝州蝗五行志

德宗興元元年秋魏博等州蝗

文宗太和九年河北魏博六州饑以上本紀

宣宗大中十二年八月魏博等州水害稼通鑑

後唐同光三年自六月不雨至於九月

唐紀

清泰二年魏博等州水旱民饑山東之民流散

通鑑

晉天福四年秋河決博平

七年旱蝗

八年旱蝗

以上晉紀

開運二年河北大饑兗鄆滄貝之間盜賊蠡起

通鑑

秋

七月河決楊劉西入莘縣界廣四十里自朝城北流

通鑑

三年河溢歷亭

晉紀

漢乾祐元年秋旱蝗有鸚鵒食蝗禁捕鸚鵒

漢紀

東昌府志

卷之三

五行

五

宋太祖開寶六年七月貝州御河決

舊志

太宗太平興國二年三月貝州民田祚十世同居詔旌

其門閭復其家

淳化二年大名博貝等州蝗十二月無水

以上本紀

三年六月博州河決城壞徙州治孝武渡西即今理也

舊志

至道元年四月貝州獻白鶴鶉

舊志

大中祥符四年河決通利軍合御河壞州城田舍

五年知天雄軍寇準獄空詔獎之

以上通鑑

仁宗天聖十年四月寇氏等八縣水浸民田

舊志

皇祐三年五月恩冀州旱 秋七月河決大名府郭固

口

至和二年河決大名館陶

以上本紀

神宗熙寧元年六月河決恩州烏欄隄 河決壤堂

通鑑

邑縣城因徙今治

堂邑志

四年七月新隄第四埽五埽決漂溺館陶永濟清陽以

北

通鑑

十年夏四月河決自澶注入御河 七月河大決於

舊志

東昌府志 卷之三 五行 六

澶州北流斷絕河道南徙東滙於梁山張澤濬分爲二

派一合南清河入淮一合北清河入海

通鑑

哲宗元符三年正月壬申恩縣地震

恩志

徽宗宣和三年六月河決恩州清河埽

本紀

高宗紹興十四年正月樂平水鬪

通鑑

金貞元十三年恩縣西五里產嘉禾一莖三穗立嘉禾

碑繪圖刻石

恩志

元世祖至元元年十月恩州歷亭縣進嘉禾一莖九穗

高唐博州大水

五年恩州高唐大水

六年東昌路饑

十四年冠州水

十八年高唐等縣蟲害禾以上本紀五月辛丑御河溢入

會通渠漂東昌路民廬舍舊志

二十二年夏四月恩州等處蠶災

二十六年御河溢入會通渠漂東昌民舍 秋東昌等

處蝗以上本紀

二十七年八月御河決高唐沒民田舊志河北十七郡

東昌府志 卷之三 五行 七

蝗本紀

二十九年三月恩州屬縣霜殺桑舊志 閏六月東昌路

蝗

三十九年九月恩州水以上本紀

成宗天德四年館陶產嘉禾一莖六穗舊志

七年五月東昌蟲食麥恩州高唐霖雨以上本紀

九年六月河決東昌博平堂邑二縣舊志

武宗至大元年五月東昌喙

三年四月在平高唐等縣蝗

四年高唐州水 恩州霖雨傷稼

太宗延祐元年三月東昌等路隕霜殺桑

六年六月東昌高唐諸處大水

七年八月堂邑縣蝻

以上本紀

英宗至治元年高唐等處水害稼

高唐志

二年二月恩州水民饑疫

泰定帝元年九月高唐及諸衛屯田水

致和元年夏四月東昌冠州饑

文宗天歷二年高唐州有蟲食桑如枯株山東大饑

東昌府志

卷之三

五行

八

冠州旱

至順元年館陶高唐恩州饑 四月高唐州屬縣蟲食

桑葉盡 五月高唐冠等州蝗 高唐水

二年冠州有蟲食桑四十餘萬株 五月東昌路高唐

州有蟲食桑 六月東昌諸路屬州縣水

三年三月東昌路有蟲食桑

順帝三年六月御河溢没人畜廬舍甚衆

以上本紀

四年春三月大雨雹

舊志

六年八月清平縣饑

至正四年東昌饑

七年十二月東昌恩州高唐等處饑

九年七月乙卯大霖雨水沒高唐州城以上本紀

二十四年雨上七晝夜深七八尺牛畜盡沒死博平志

明成祖永樂四年博平縣麥秀兩岐

代宗景泰七年秋雨淋霪涓河泛漲漂沒禾稼屋廬博平志

志

憲宗成化五年博平大旱博平志

七年秋有龍入西郊村民曹林家拋擲碓磑於田野又

東昌府志 卷之三 五行 九

見神人自室罅入厲聲呼曹林林懼自覆於甕中獲免

博平志

九年七月河決饑甚人相食冠志

十年春大饑

十一年二月十一日酉時暴風揚沙折木自井堂寺側

火起須臾官民廬舍延燒幾盡至五更方熄

十四年六月大雨田禾淹沒永清大有二門俱傾圯舟

楫出入城中歲大饑以上華志

十五年秋大水平地深尺餘禾稼淹沒殆盡冠志

十九年大饑

舊志

三十年旱人相食

堂邑志

三十一年大饑人相食

舊志

孝宗宏治五年旱大饑疫斗米百錢

聊城志

六年秋河決陸地行舟

博平志

十年三月墮魚於市

恩志

十四年秋河水決

舊志

十五年高唐地震如雷壞官民廬舍

高唐志

漳水決魏

縣北注館陶

舊志

東昌府志

卷之三

五行

十

十六年九月地震如雷多壓死者

堂邑志

武宗正德二年秋蝗蝻害稼 十二月大雪平地數尺

擁門塞巷穴之以出人畜多凍死者

四年夏黑青見邑人震怖夜然燈燭引刀劍自衛亦有

與之格鬪者二旬餘始定

以上博平志

七年民訛言有妖黑色不辨眉目爪人如針痕流黃水

而死每夜金鼓之聲達旦

恩志

十二年秋潦冬無冰

十六年秋大水

以上堂邑志

世宗嘉靖二年大風霾雨赤沙自正月至六月不雨無

麥禾 三月大風霾雨紅沙日暗 夏秋旱民多餓殍

以上傳 八月隕霜殺稼

堂邑志

八年御河決漂沒館陶居民田廬

館陶志

九年五月飛蝗自兗郡所過無遺稼北至莘知縣陳棟

齋沐率邑人禱於八蜡神忽黑蜂滿野嘴蝗盡死既而

雷雨交作蝗盡化為泥田禾不傷 六月初十日大

風拔木撒屋

博平志

夏大雨雹

堂邑志

十一年五月在平雹大如盃 自三月不雨至六

莊平志

東昌府志 卷之三 五行 十一

月蝗起八月潦 六月四日夜半有流星大如月

堂邑志

自北向東南墜白氣如烟

莊平志

十五年山東災 十月九日夜地震

恩志

二十年三月十日晝晦 十月三日震電

以上堂邑志

二十三年民間訛言有響馬賊拒捕格傷官軍縣選民

間成丁者守城丁出磚石灰甌有差門用土實塞月餘

方定至三十二年亦如之

恩志

二十四年大有年

高唐志

二十五年山東災

本志

二十六年二月七日地震舊志 隕霜殺麥博平志 三月

永濟橋燒民廬千楹堂邑志

二十七年冬大雪祁寒井泉亦有凍者博平志

二十八年三月十八日雨雹大者如盃 九月二十三

日地大震堂邑志 恩縣學東射圃隙地莖麥一莖二穗

至五穗者恩志

二十九年旱多風四月初九日黑風蔽日如夜五月四

日亦如之麥盡傷舊志

三十年衛河決壞民廬稼館陶志 十一月二十五日戌

東昌府志 卷之三 五行 三

時地震高唐志

三十一年衛河復決水聲如牛數日河遂東徙

三十二年秋河決大饑以上館陶志

三十四年冬地震博平志 在平縣甘露降於趙維新家

在平志

四十年夏井泉洿池水俱溢博平志

四十五年夏六月城西北冰雹大如鷺子禾麥無存傷

六至死恩志

隆慶二年十二月三日大雨詰旦木冰損林木殺

宿鳥博平志

三年春博平等處白雀羣飛 閏六月衛河決館陶舊志

夏蝗飛蔽日後蝻生遍野傷禾殆盡冬無冰恩志

六年夏大水

神宗萬歷三年夏雨雹暴風拔木以上博平志

六年五月二十九日崇武驛雷震殺男子一人舊志

七年正月八日大水 八月二十三日大雨雹津期店

東北諸村屋瓦皆碎九月二十一日又雨雹恩志

九年十月十五日夜多火光吹面如暑

東昌府志 卷之三 五行 三

十年大疫以上舊志

十一年雨雹大如盃皆龜甲旋螺之形 三月三日大

風隕魚恩志

十二年四月一日甘露降於恩縣麥秀兩岐舊志

十三年春大旱堂邑志

十四年山東災本紀 春夏大旱盜起民逃斗米百錢聊城

大疫堂邑志 八月十七日隕霜殺蕎菽歲大饑平博

志

十五年大旱舊志 春大饑博平志

十八年三月三日大風霾雨紅沙日暗博平志

十九年夏六月蝗舊志大水莘志

二十一年閏十一月晝晦堂邑志

二十二年春三月城西北有雹形如鳥卵麥苗多傷

夏四月又雹傷麥恩志四月有氣自南來其熱如炙樹

葉盡捲冠志夏冠縣兩雹如盃舊志八月地震甚博平志

二十五年八月地震博平志八月甲申水溢舊志

二十七年正月聊城等地方有狼徧野舊志五月蝗博平志

志

東昌府志 卷之三 五行

十四

二十八年大饑舊志

三十二年大風拔木博平志

三十三年夏六月蝗堂邑志

三十五年山東旱饑本紀衛河決館陶志

四十一年大水自莘縣堂邑流至館陶東北楊兒落入

大堤西歸衛河館陶志八月八日午時星隕東南者三

一離城三里許入地丈餘重四十八觔一五里許重十

觔一七里許重九觔俱堅如鐵石堂邑志

四十二年旱蝗莘志

四十二年大饑人相食斗米百二十錢

四十三年九月隕星三貯府庫高尺餘如鐵黑而明

四十六年十月初四日四更時有白氣自東向西漸漸

消去每夜如此半月方止 十一月初一日三更天鼓

鳴三聲東北落一星大如斗

四十七年九月初九日天鼓鳴

熹宗天啟元年旱蝗 以上堂邑志

二年三月地震有黑風起 在乎志

五年二月黑風晝晦 堂邑志

東昌府志 卷之三 五行 十五

莊烈帝崇禎三年五月雨雹

五年五月雨雹八月又雨雹 以上在乎平志

八年三月十日晝晦

十四年春不雨斗米千錢糠粃亦斗值百錢盜掘食新

死人至父子相食夏大疫死者相枕秋蝗起人死者十

八九有鼠千百成羣食禾苗立盡 以上堂邑志

國朝順治元年三月不雨至七月秋稼至十月而實 聊城志

二年春夏無雨至六月始雨歲大饑

五年大雨滄禾 以上恩志 五月大雨雹 館陶志

七年夏旱秋九月河決荆隆口金隄衝漕河水入東

昌城內西南角房屋陷沒至十二年冬始消典史陳國

祚設法洩兩坡之水入運河聊城志地震堂邑志

八年河決博平志五月在平產靈芝於文廟之屋梁在平

志

九年正月三更自西南有赤光大如碾盤聲如水鴨飛

狀往東北而去五月五日雨雹大如雞卵未刈之麥

一空恩志

十年河決金龍口汎莘及聊城莘志五月八日夜大風

東昌府志 卷之三 五行 七

兩雷電拔樹文廟柏拔二株八月地震館陶志

十一年八月初五日地震次日又震在平志

十四年三月初五日隕霜

十五年四月隕霜殺麥六月霜以上高唐志

康熙二年大有年麥每斗三分聊城志

三年四月隕霜殺麥博平志

四年大旱

六年六月蝗

七年六月地震民居壞十之四五以上堂邑志

九年旱

高唐志

二十三年旱

恩志

二十三年夏大水衝決魯家隄口

莘志

二十五年衛河決

恩志

二十八年旱

恩志

二十九年旱蝗

恩志

三十一年五月大風拔木發屋

三十七年夏大水

恩志

三十九年大水無麥秋又大水

東昌府志

卷之三

五行

十七

四十年旱

四十一年夏四月二十八日大雨雹城東樹木折傷麥

禾盡壞秋漕河決

四十二年夏五月大雨饑人相食

以上舊志

四十三年春大饑秋大疫

堂邑志

四十四年五月黑風拔木晝晦

恩志

四十六年麥穀岐穗

在平恩志

四十八年春夏風霾大作黃沙蔽天麥禾枯

高唐志

四十九年高唐瑞穀雙岐多至三四穗者

高唐志

五十二年春二月十日大風霾黃沙蔽天十五日復六
風黃霧四塞

五十二年春旱

五十三年正月二十八日夜有黑風自西而東大風不

雨無麥

五十四年秋河決魯家隄口

五十五年夏五月霖雨漳水決以上 六月水決河坊恩

恩

五十九年四月初十日流星自西南來聲如雷震隕石

東昌府志 卷之三 五行 六

三 大旱無麥 六月初八日地震以上

六十年旱饑通

雍正元年夏大旱四月黑風蔽日麥禾俱傷

二年河決陸地行舟

三年秋大水衛河決以上

四年二月館陶縣民徐來振妻一產三男館陶 秋大

水舊

八年大水衛河決

九年秋大水以上

乾隆元年建莘縣壽民王加有百七歲坊

二年秋衛河決

四年衛河決

六年旱

八年大旱

十二年饑

十三年大疫

十六年秋大水

十七年夏蝗

東昌府志

卷之三

五行

十九

二十四年蝗蝻害稼

二十六年秋八月衛河決禾稼盡沒

二十七年大水

二十八年秋蝗

二十九年秋蝗

三十一年春大風拔木

夏秋霖雨衛河決陸地行舟

三十二年秋大水

三十三年秋好蝗生

三十四年秋大水八月蝗

三十六年夏蝗秋大水饑以上舊志

五十年聊城縣壽民張羽年逾百歲五世同堂給昇

人瑞匾額

五十五年秋霖雨水及郡城 聊城縣壽婦王篤湯妻

姜氏年逾百歲五世同堂給貞壽之門匾額

五十六年聊城縣生員李元鎧妻壽婦魏氏年逾百歲

事舅姑克敬相夫子無違給貞壽之門匾額

五十七年秋禾被旱

五十九年秋霖雨衛河漫口

東昌府志 卷之三 五行

嘉慶元年秋黃河漫口淹及臨清衛屯莊

嘉慶二年秋黃河漫口淹及臨清衛屯莊 東昌衛壽

民扶珍年一百一歲

聊城縣壽民李世德一百歲 賜九品銜得與千叟宴

聊城縣劉立德妻王氏年一百歲生於康熙四十七年

正月十七日年二十九夫亡撫育孤子長詞早卒次說

年七十二孫二曾孫四

嘉慶八年秋河決衛家樓漕河漲溢

史記秦二世元年九月田儋自立爲王二年六月秦
將章邯殺儋七月齊人立故齊王建弟假爲王八月
田榮逐假立儋子市爲王三年十二月項羽徙田市
王膠東立田都爲齊王治臨淄田安爲濟北王治博
陽於是齊分爲三義帝元年五月田榮擊都都走楚
榮又擊殺田市田安榮自立爲王十月項羽伐齊取
榮榮走平原平原人殺榮又明年正月項羽復立田
假爲齊王二月榮弟橫擊假假走楚橫立榮之子廣
爲王又明年十一月漢王使韓信擊齊殺廣田氏亡
自田儋立至田廣死凡五年

東昌府志

卷之四 分封

三

魏王咎

史記咎與田儋同時自立爲王秦二世二年六月使
章邯滅魏咎自殺九月咎弟豹自立爲魏王漢元年
項羽徙豹都平陽

齊王韓信

史記韓信擊殺齊王田廣遂自立爲假齊王漢王於
是立信爲眞王及漢滅楚徙信爲楚王

漢

濟北王田安

高祖元年項羽立

樂平侯衛母擇

高祖五年封食六百戶傳三世至建元六年坐買田

不法免

清簡侯室中同

同以弩將起從入漢以都尉擊項羽功封食千戶傳

四世 聖 鮒 古 生 元鼎五年坐酎金國除

清河定侯王陵

東昌府志

卷之四 分封

四

吸以中涓從起豐至霸上為騎將郎入漢以將軍擊

項羽功高祖六年封食一千二百戶傳三世 疆

仇 不害 元光二年不害卒無後國除

堂邑侯陳嬰

高帝六年封傳四世至元鼎元年有罪自殺國除

襄陽侯陳胥

高祖七年十月封傳四世元狩二年免

濟川王太

高后六年立所名孝惠子平昌侯太為濟川王文帝

濟北之地

文帝十六年分濟北為二國以齊惠王子安陽侯勃為濟北王

濟北王勃

景帝四年以淮南厲王子安陽侯勃為濟北王傳子

東昌府志

卷之四 分封

五

及孫寬有罪自殺國除

舊志引用通鑑注以為濟北王國都武城縣非也按濟北治盧縣屬泰山郡見地理志水經注及濟北王傳漢書孟康注亦云其地在東郡茌平之間通鑑注所云不可從也

清河哀王乘

景帝子王夫人生中元三年封立二十年卒無子國

除為清河郡

清河剛王義

文帝諸姬子代王叅之孫武帝元光三年嗣爲代王
立二十年當元鼎四年徙爲清河王又二十年卒子
項王湯立二十四年卒子牟立三年坐淫亂廢爲庶
人國除

發干侯衛登

登以父青破右賢王功元朔五年封元鼎五年坐爵
金國除

陽平節侯蔡義

義與大將軍霍光定策功元平元年封食七百戶本

東昌府志

卷之四

分封

六

始四年平無後國除

博陸宣成侯霍光

光以奉平都尉捕反者平何羅功侯食二千五百戶
十戶後以大將軍益封爲二千五百戶

東昌府志卷之四分封六
光以奉平都尉捕反者平何羅功侯食二千五百戶
十戶後以大將軍益封爲二千五百戶

信都國之屬縣也

樂平侯霍山

宣帝地節三年封四年坐謀反誅

平恩戴侯許廣漢

廣漢以皇太子外祖父咸地節三年封食五千六百

戶地節七年卒無後以弟之子嘉嗣傳 况 旦

敬 王莽敗國絕

復陽侯延年

長沙頃王子元康元年正月封

東昌府志

卷之四 分封

平原侯張延壽

富平侯張安世子元康四年既嗣侯自以身無功德

數上書讓減邑戶天子以爲有讓徙封平原

陽平頃侯王禁

禁以后父初元元年封食二千六百戶後以大將軍

鳳益封共八千戶鳳傳 襄 本 冀 更始元年

爲兵所殺國絕

河王景

宋侯事

匡以郭后從兄建武十七年封世

無子國除

東昌府志

卷之四

分封

八

清河孝王慶

章帝子宋貴人生建初四年立爲皇太子七年廢爲
王薨長子祐嗣殤帝位是爲安帝尊爲孝德皇子虎
嗣王位三年薨諡愍王無子立樂安王寵子延平三
十五年薨諡恭王子赫以劉文等謀嗣質帝事覺自
殺國除明年立安平孝王子經爲甘陵王奉孝德皇
嗣二十五年薨諡威王子定嗣四年薨諡貞王子忠
嗣十三年薨諡獻王嗣子爲黃巾所害無後國絕

濟北惠王壽

和帝子申貴人生永光二年封分泰山郡三十一
薨子節王登嗣十五年薨子哀王多嗣三年薨無子
立戰鄉侯安國是爲釐王十年薨子孝王次嗣居父
喪以孝增封五千戶七年薨子鸞嗣薨子政嗣無子
建安十一年國除
平原懷王勝

和帝長子少有痼疾延平元年封立八年薨無子以
樂安夷王子得爲嗣是爲哀王立六年薨無子又立
河間王開子都鄉侯翼爲嗣安帝廢之國除

東昌府志

卷之四

分封

九

樂平侯梁棠

和帝母梁貴人父竦之子和帝親政封食五千戶傳

二世安國 延光時爲侍中有罪免

陽平侯桓焉

焉字叔元沛郡龍亢人當順帝爲太子被廢焉爲太
常力爭不能及順帝立拜太傅以前廷議守正封後
以日食免

陵王理

和二年改清河爲甘陵立安平王得子爲甘陵王

魏公曹操

建安十八年獻帝以冀州之河東河內魏郡趙國中
山常山鉅鹿安平甘陵平原十郡封操為魏公二十
一年進爵為王及文帝代漢追稱帝

魏

平原侯植

武帝三子卞后生建安十六年封十九年徙臨菑後
改封陳王

濟北王志

東昌府志

卷之四 分封

十

陳思王植子王薨徙封於此

清河恒王賁

文帝子宋姬生黃初三年封四年薨無子國除

博平敬侯華歆

歆高唐人文帝時為相國封安樂侯

魏公曹操

平原侯植

陳思王植

侯符晃

河東陽平人武帝時征伐有功文帝即位使

平遂封於此食二千一百戶傳二世 蓋 霸

清陽亭侯

潛 濟河東聞喜人武帝時為丞相明帝即位封食二百

戶薨諡貞侯傳一世 秀

東昌府志

卷之四

分封

十一

高唐亭侯朱靈

初靈為袁紹將使助武帝征陶謙遂留為魏將名亞

徐晃為後將軍受封

晉

平原王幹

旦帝子穆張皇后生武帝踐阼封食萬一千三百戶

時劉聰寇洛未贈諡世子早卒次子封安德縣公

樂平王延祚

文帝子少有篤疾不任封太康初封王號尋薨無子

清河王遐

武帝十三子出繼叔父城陽哀王兆太康十年增封渤海郡遐性好內無所是非楚王瑋舉兵使遐收衛瓘故吏榮晦盡殺瓘子孫遐不能禁爲世所尤永康元年薨子覃嗣立齊王冏表立覃爲皇太子旣而清河王容脇遷大駕表成都王穎爲皇太弟廢覃爲清河王永嘉初前北軍中侯任城呂雍等謀立覃爲太子事覺幽於金墉城未幾被害時年十四弟籥封清

河王

東昌府志

卷之四

分封

十三

樂平王詔

惠帝永興元年齊王冏子詔爲樂平縣王以奉王祀
二年封齊王

樂平王石苞

武帝咸康三年趙石虎以石苞爲樂平公五年爵爲王趙主石鑿殺之

清河郡侯王猛

博平侯楊安爵

升平五年秦王堅封

北朝

清河王紹

北魏道武帝子賀夫人生天興八年封後行弒伏誅

陽平王熙

道武帝子大王夫人生天興六年封泰常六年薨子

佗襲爵後改封淮南王

東昌府志

卷之四 外封

三

樂平戾王丕

明元帝子大慕容夫人生泰常七年封子拔襲爵後

坐事賜死

陽平威王杜超

魏郡鄴人密皇后兄始光申封陽平公神麈三年進

爲王子鳳皇襲爵

發干侯杜道儁

高鳳皇弟始光申賜爵後以從弟元寶謀逆坐誅

高王陸麗

麗代人以建策立文成功封及薨配享子獻襲爵以謀逆賜死獄中

陽平幽王新成

景穆帝子袁淑房生太安三年封傳二世 頤宗
爵以罪死爵除

清河文獻王懌

孝文帝子太和二十一年封世宗初拜侍中轉尚書
僕射肅宗初遷太尉侍中如故時有沙門惠憐自云
咒水飲人能差諸病靈太后詔給衣食治療百姓憐

東昌府志

卷之四

分封

十四

諫止領軍元乂太后妹夫也恃寵驕盈懌裁之以法
爲乂所嫉乂黨人告懌謀反朝貴分明乃得雪釋懌
以忠獲謗乃集昔忠烈士爲顯忠錄以見意正光元
年乂與劉騰囚懌於門下省遂害之

平原郡公高肇

渤海蔭人文昭皇后兄宣武景明初封後諸王殺之

除爵

貝邱縣男傅永

清河人自宋降魏爲奉禮郎晚年以功封

傅平縣公崔光

以奉迎孝明帝功封

陽平王李延實

魏莊帝永安元年封

清河郡公賀拔岳

易陽伯暉之弟孝莊立以預定策功封樊城男後進

是爵子緯嗣

清河郡公爾朱遠

彥伯弟孝莊立受封及節閔帝立進爵彭城王

東昌府志

卷之四

分封

五

平原王元祉

永安二年封

清河縣子張烈

東武城人魏宣武卽位以戰功封

樂平王最

常山王素曾孫從孝武帝入關封

樂平王爾朱世隆

長廣王所封

清河縣伯陸騰

代人從爾朱榮平葛榮功賜爵

清河縣子趙肅

洛陽人以運糧功封子軌嗣

清河王威

東魏靖帝興和二年封

平原伯崔猷

安平人西魏大統初封及周賜姓宇文隋文帝受禪

進爵汲郡公

清河王岳

東昌府志

卷之四

分封

去

高祖從父弟高祖與四胡戰於韓陵敗績賊乘之岳

橫衝入陣大破之以功除衛將軍太昌初封清河郡

公天平二年除侍中都督六州軍事世宗初入總朝

政天保初進爵清河郡王子勵改封樂安王

平原王段韶

北齊天保五年封

清河王威

平原伯崔猷

代人從爾朱榮平葛榮功賜爵

王季範

淮安王季子武德五年封太宗卽位隨例降公

清河侯崔暉

崔暉子官散騎尙書賜爵

館陶男郭實

東昌府志

卷之四

七

初賜爵館陶男武后時進封爲代國公

魏博七州節度使田承嗣

初從安史爲亂安史平帝赦罪授魏博七州節度使

承嗣外受朝旨陰圖自固代宗遣使宣慰不奉詔攻

衛州殺刺史薛雄帝命所在諸節度加討乃懼請罪

於是仍復舊官承嗣卒子悅嗣與李維岳李納謀叛

自稱魏王旋自去王號後爲從弟緒所殺朝廷卽命

緒爲節度使緒卒子季安嗣季安卒子懷諫嗣魏人

乃以臨清鎮將田讓爲留後遣懷諫歸第自承嗣至

史憲誠

布嗣布以不能復父舊自引為

田布死魏人立憲誠為留後長慶二年受節鉞為節度使太和三年所軍眾所害

何進滔

東昌府志

卷之四 分封

太

魏傅軍眾殺史憲誠推進滔為留後因受節鉞為節度使及卒子宏敬嗣宏敬卒子全皞嗣為軍人所害歷三世凡四十餘年

韓君雄賜名允忠

軍人殺何全皞推為帥僖宗降詔授節度使乾符元年卒子簡嗣後為諸葛爽所攻憂憤發疽死

樂彥禎

韓簡既卒魏人共立彥禎朝廷尋授節度使子從訓

悖逆彥禎卒羣推羅宏信為帥殺從訓棄其首

羅宏信

軍衆殺樂從訓初推趙文珩權王軍事衆復以爲不便因推宏信爲帥僖宗詔授爲節度使後累封至臨清王光化元年卒子威嗣後歸梁

宋

莘王植

徽宗子初封吳國公進莘王靖康中從北狩

金

莘王耶律懷義

東昌府志

卷之四

分封

尤

本遼宗室海陵卽位封濛水郡王進封莘王後改封蕭王正隆時降爲景國公

莘國公石琚

琚定州人世宗十七年封二十二年卒諡文憲

世宗廟

沙陀人太祖時以功追封子字要合亦以功追封高
唐王子愛不花愛不花子濶里吉思亦封高唐王後
以防邊追敵被執不屈死

明

安遠侯蔡儂

洪武初以戰功累陞指揮使追封安遠侯諡武襄世

襲東昌衛指揮使

按儂之侯封不涉今東昌地以其世襲東昌衛指揮

使附識於此

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

東昌志 卷之四 分封

高唐瑞裕王厚煥

衡恭王祐樞子以博學懿行聞嘉靖中封萬歷十
年薨子翊讓嗣萬歷四十年薨子常澤嗣

公主

漢

館陶長公主

文帝女竇后生適堂邑侯陳午

館陶公主

宣帝女華婕妤生名適于定國子永

東昌府志

卷之四

三

後漢

館陶公主紅夫

光武女適韓光建武五年封

樂三

初元年

公主

卷之四

太宗女適程懷亮

平恩公主

順宗女不嫁為道

東昌府志

卷之四

樂平公主

昭宗女

明

清河公主

成祖女適李銘

三

兵革

軒轅有阪泉涿鹿之師舜伐三苗禹伐共工雖治世不廢征討易曰伏戎于莽升其高陵草竊奸宄伺隙跳梁何代無之况地入趙魏壤隣秦晉疆悍之俗尤難制馭今將歷代受兵之事約舉其概俾知有備無患則勝殘去殺之風其庶幾乎

周

莊王元年衛宣公使其子伋如齊使盜待諸莘以殺之

左傳

東昌府志

卷之四

兵革

三

惠王十八年春齊師曹師次於聶北救邢

春秋

襄王十一年衛人伐邢

按是時邢在夷儀

襄王十七年衛侯燬滅邢

以上俱春秋

定王十八年晉郤克伐齊從齊師於莘

左傳

齊侯使國

勝告難於晉待命於清明年使清人殺國勝

清在今堂邑

靈王十八年齊夙沙衛以高唐叛齊慶封圍高唐弗克

冬十一月高唐人殖綽夜縋納師醢衛於軍

以上俱左傳

景王二十五年夏荀吳畧東陽

東陽在今恩縣西北

敬王十九年齊侯伐晉夷儀敵無存先登求自門出死

於雷下

三十四年齊為衛故伐晉冠氏

以上左傳

三十五年晉趙鞅伐齊毀高唐之郭

史記按黃城在冠縣

二十三年趙敬侯敗魏於黃城

二十四年三晉伐齊至靈邱

烈王三年魯伐齊入陽關

注括地志陽關故城在兗州博城縣南

魏伐

齊至博陵

注徐廣曰東郡之博平漢為縣

顯王六年晉伐齊至博陵

東昌府志

卷之四

兵革

十四

三十七年趙肅侯圍衛黃城不克

赧王三十年樂毅將趙秦韓魏燕之兵攻齊取靈邱

三十四年趙惠文王之衛東陽決河水伐魏氏

以上史記

戰國

秦莊襄王元年燕將保聊城齊田單攻之不下魯仲連

遺燕將書燕將見書泣三日猶豫不能自決欲歸燕已

有隙恐誅欲降齊所殺虜於齊甚眾恐降後見辱嘆曰

與人刃我寧自刃乃自殺聊城亂田單遂屠聊城

秦王政六年拔衛迫東郡

史記

秦

始皇十四年桓齮攻趙軍于平陽取宜安破之殺其將

軍定平陽武城

史記正義曰卽貝州武城縣

二世三年十月沛公攻破東郡尉於城武漢本故齊王

建孫安下濟北

注云濟北聊城博陽諸城之地

漢

高祖元年項羽立田安爲濟北王 秋七月田榮彭越

殺濟北王安榮遂并王三齊之地以上本紀

十一年陳豨將張春攻聊城漢使將軍郭蒙與齊將擊

東昌府志

卷之四

兵革

五

大破之

史記本紀

三年濟北王興居反詔遣棘蒲侯陳武往擊之八月破

濟北虜其王赦濟北吏民

史記本紀

河平三年東郡荏平男子侯母辟兄弟五人羣黨爲盜

自稱將軍

天文志

永始三年十二月山陽鐵官徒蘓令等攻殺東郡太守

汝南太守嚴詵捕斬令等

本紀

更始二年秋光武擊銅馬於鄆吳漢將突騎來會清陽

賊數挑戰光武壑營自守絕其糧道月餘日賊食盡夜

遁追至館陶大破之本紀

後漢

光武帝建武二年檀鄉賊起在平寇魏郡清河遣吳漢

擊之及館陶破降其眾又使王梁杜茂安戢魏清河東

郡悉平通鑑

有銅馬賊入清陽博平遣偏將姚期迎擊

之舊志

章帝永興二年泰山賊公孫舉等寇青兗徐三州遣中

郎將段熲討斬之本紀

中平元年二月鉅鹿人張角以其部師三十六萬著黃

東昌府志

卷之四

兵革

三

巾反安平甘陵人各執其王以應之本紀

夏六月詔皇

甫嵩討東郡黃巾本紀

六年東郡太守橋瑁詐作京師三公移書與州郡陳董

卓罪惡企望義兵解國患難通鑑

獻帝初平元年山東州郡皆起兵討董卓袁紹為盟主

兗州刺史劉岱東郡太守橋瑁以兵會屯酸棗諸軍食

盡眾散劉岱殺瑁以王雄領東郡太守通鑑

白波賊寇

東郡本紀

二年孫堅討董卓卓遣東郡太守胡軫督步騎五千擊

之爲孫堅所敗梟其都督華雄

通鑑

三年于毒等攻東武陽曹操引兵攻毒大破之袁紹表

操爲東郡太守治東武陽

通鑑

青州黃巾擊殺兗州刺

史劉岱東郡太守曹操大破之

本紀

濟北相鮑信與兗

州吏迎曹操於東郡使領兗州刺史詔以金尚爲兗州

刺史將之部操逆擊破之

通鑑

二年袁紹圍東郡執太守臧洪洪不屈見殺

後漢書

建安五年二月袁紹遣郭圖等攻東郡太守劉延於白

馬操救延趨白馬擊破之斬其將顏良

三國志

東昌府志

卷之四

兵革

三

八年袁尚將呂曠呂翔叛尚屯陽平以其衆降曹操

三國志

魏志

九年曹操遏洪水入白溝以通糧道

通鑑

曹操破袁尚

平冀州自領冀州牧

本紀

十一年甘陵濟陰平原等國皆除

本紀

晉

武帝太始元年輔國將軍劉大安綏遠將軍魯利建威

將軍慕容農自將攻館陶收其軍資器械

館陶志

永寧元年成都王穎以兗州刺史王彥冀州刺史李毅

等討趙王倫

通鑑

永興二年秋七月成都王穎部將公師藩攻陷郡縣害

陽平太守李志平昌公模遣將趙驤擊破之 八月驃

騎將軍范陽王虓逐冀州刺史李義 九月公師藩害

清河太守馮熊

以上帝紀

建威將軍閻粹說東嬴公騰執

諸胡於山東石勒被掠賣爲在平人師懼奴奇其狀貌

免之懼家隣於馬牧勒乃與牧帥汲桑結壯士爲羣盜

桑始命勒以石爲姓勒爲名

同上

光熙元年東萊愷令劉伯根反自稱愷公襲臨菑高密

東昌府志

卷之四

兵革

三

王簡戰敗奔聊城

帝紀

懷帝永嘉元年陽平人公師藩起兵稱將軍濮陽太守

苟晞擒斬之

舊志

石勒與兗州刺史苟晞等相持於平

原陽平間數月大小三十餘戰

石勒記

烏桓張伏利度

有衆二千壁於樂平石勒執之

石勒記

八月苟晞大破

汲桑於東武陽桑退保清淵苟晞追擊破其壘冀州刺

史丁紹又破之桑奔馬牧石勒奔樂平

通鑑

三年夏四月石勒攻陷冀州郡縣百餘壁

紀

六年秋七月石勒寇冀州

帝紀

愍帝建興元年山東郡縣相繼陷於石勒帝紀

四年冬十一月石勒圍樂平樂平太守韓據出奔帝紀

東晉明帝太寧三年三月石勒盡陷司兗豫之地帝紀

咸和八年趙丞相石虎以羗師姚弋仲率眾數萬居清

河之攝頭通鑑

七年姚弋仲死子襄帥師六萬攻陽平元城發干破之

穆帝永和七年後趙石祗使將劉顯攻冉閔而敗閔追

至陽平陽平郡治在館陶後趙載記

孝武帝太元九年燕慕容垂進兵屯聊城之逢關陂

東昌府志卷之四兵革无

十二年翟遼叛燕遣兵與王祖張申寇抄清河平原

十七年翟釗遣將翟都侵館陶屯蘇康壘燕主垂進逼

蘇康壘翟都走滑臺

十九年燕王垂東巡陽平平原命王農尹國畧地農攻

廩邱國攻陽城皆拔之諸郡皆委城奔潰

二十一年平規據高唐燕遣高陽王隆進軍臨河規棄

城隆追之斬規於濟北以上通鑑冀州刺史孫無終為桓

元所害魏記

義熙元年青州刺史劉該反魏清河陽平太守孫全聚

應之晉劉裕將兵斬該及全

通鑑

南北朝

北魏太平真君七年發司幽定冀十萬人築畿上塞圍

宋文帝元嘉二十七年七月稿礮戍委城走

宋紀

冬宋

寧朔將軍王元謨敗退稿礮

宋紀

宋明帝泰始二年清河廣川二郡太守王元邁起兵應

建康討安王助

通鑑

梁武帝普通七年魏平原民劉樹等反刺史元欣以平

原房士達為將討平之

通鑑

東昌府志

卷之四

兵革

三

梁武帝大通元年魏清河民房頊反自署大都督據口曰

國城

通鑑

東魏天平三年高歡殺靖帝之父清河王亶

以上魏紀

四年以高季式為濟州刺史季式擊陽平賊路文徒等

平之

通鑑

北齊文宣帝天保元年東魏行臺辛術寇陽平不克

通鑑

隋

煬帝大業二年宇文化及自江都舉兵至博州竇建德

攻陷其城殺化及建德遂據其城

竇建德傳

九年清河賊張金稱等聚眾各數萬十一月右後衛

將軍馮孝慈討張金稱於清河孝慈敗死以上本紀

十二年三月張金稱陷平恩一朝殺男婦萬餘口

楊義臣討張金稱於平恩東北敗之金稱逃於清河楊

善會擒金稱令仇家割食之以上通鑑貝州人竇建德攻

拔諸城自號夏王隋紀

唐

高祖武德元年竇建德將程名振率眾千餘掠貝州恩志

二年宇文文化及敗魏州總管元寶臧獲之通鑑隋臣鄭

東昌府志卷之四兵革三

善果從宇文文化及至聊城督戰竇建德克聊城獲善果

同上

四年竇建德故將高雅賢亡命至貝州劉黑闥自貝

州反陷鄆縣魏州刺史權威貝州戴元祥皆戰死黑闥

又陷歷亭執屯衛將軍王行敏殺之黑闥又陷魏州

莘州黑闥運糧於冀貝諸州水陸並進唐程名振邀

之沈其舟焚其車以上通鑑三月秦王破劉黑闥盡復所

陷州黑闥奔突厥本紀冬十月詔齊王元吉討黑闥貝

州刺史許善護與黑闥弟士善戰於鄆縣善護全軍背

沒

行軍總管淮南王道元與黑闥戰於下博敗沒

紀上

十二月魏州總管田留安擊劉黑闥破之獲其

莘州刺史孟柱 太子建成齊王元吉討黑闥黑闥食

盡衆多亡遂夜遁至館陶橋未成不得渡遂大潰黑闥

亡去

以上通鑑

則天后垂拱四年博州刺史琅邪王冲令募兵分告貝

州刺史紀王慎並諸王各起兵趣神都以討武后 琅

邪王冲引兵擊武水武水令郭務悌詣魏州求救莘縣

令中道邀冲恐不敵入武水閉門拒守冲焚其南門因

東昌府志

卷之四

兵革

三

風回軍不得入而堂邑董元寂爲冲擊武水謂人曰冲

乃反也冲斬元寂以徇衆懼而散冲還走博州爲守門

者所殺 武后令左金吾將軍邱神勣討諸王神勣至

博州官吏素服出迎神勣盡殺之凡破千餘家

以上通鑑

元宗天寶十四載安祿山反河北郡縣皆風靡平原太

守顏真卿以平原博平兵七千人防河津河間司法李

魚遣將訾嗣賢濟河殺祿山所署博平太守馮翼

肅宗至德元載正月史思明等引兵擊河北諸郡之不

從者所過殘滅於是鄴廣平魏信都等郡復爲賊守一

月加李光弼魏郡太守河北道採訪使 清河客李

乞師於顏真卿真卿以兵六千借之命李澤交范冬

將其兵會清河兵四千及博平兵千人軍於堂邑西南

賊將袁知素等來逆戰三郡兵力戰盡日魏兵大敗遂

克魏郡知泰奔汲郡郭子儀李光弼大破史思明於嘉

山思明奔博陵於是河北十餘郡皆殺賊守將而降

賊臣史思明攻平原顏真卿知力不敵棄郡南走思明

遂攻清河博平皆陷之

寶應元年史朝義走貝州與兩節度合僕固瑒追至臨

東昌府志 卷之四 兵革

三

清朝義引兵攻之瑒設伏擊之敗走

代宗廣德九年詔每道歲有防秋兵魏博則四千人 本紀

魏博節度田承嗣誘朝義將吏使作亂 通鑑

李寶臣李正己進圍貝州田承嗣出兵救之 通鑑

十四年二月魏博節度使田承嗣薨以其姪田悅爲魏

博留後是後田悅叛以兵攻臨洛乃以馬燧爲魏博招

討使敗田悅悅走魏州復召貝州刺史邢曹俊整部伍

軍勢復振 李再春以博州來降

中二年河北畧定惟魏州未下 田悅使人讒

深州朱滔賂以貝州滔喜以為外援

三年朱滔王武俊敗李懷光軍蹙入永濟渠溺死者不

可勝數

以上通鑑

馬燧李抱真破田悅兵於恒水進攻魏

州本紀

憲宗元和五年昭義軍三千餘人夜潰奔魏州

本紀

十年魏博節度使田宏正表請討王承宗得命軍於貝

州

十一年制命魏州同河東幽州義武橫海昭義凡六道

進討王承宗二月魏博奏敗

以上通鑑

東昌府志

卷之四

兵革

三四

十三年七月令魏博同宣武義成武寧橫海兵討李師

道

本紀

穆宗長慶元年冬十月王庭湊寇貝州

本紀

魏博節度

使田布將全將討王庭湊數月又有詔分魏博軍與李

光顏使救深州布軍大潰布以千人還

通鑑

三年正月魏牙將史憲誠奪師田布伏劍卒詔以史憲

誠為魏博節度使

本紀

文宗太和元年七月兗海節度使李同捷不受詔八月

命河北諸鎮節度使討之同捷以珍玩女妓賂河北諸

魏博節度使史憲誠密以糧助同捷

二年十二月李同捷遣人說魏博大將元志紹使殺憲誠父子取魏博志紹遂作亂引所部還逼魏州於是又命諫議大夫柏耆宣慰魏博發義成河陽兵討志紹元志紹兵屯永濟

三年正月元志紹與成德合兵掠貝州李聽史唐合兵破志紹志紹奔鎮州厥後志紹降置之洛州帝乃遣中使賜史憲誠旌節至魏州李聽自貝州還軍館陶遷延未進史憲誠將行爲其軍所殺奉憲武何進滔爲留後東昌府志

卷之四

兵革

五

李聽進至魏州進滔拒擊之聽大敗潰走

武宗會昌三年帝遣刑部侍郎李回宣慰河北鎮令魏博早平澤潞何宏敬拔肥鄉平恩殺傷甚衆上加宏

敬檢校左僕射

以上通鑑

中和二年諸葛爽襲河陽與韓簡戰於武陟魏軍大敗澶州刺史樂行達先據魏州軍中立爲留後韓簡爲部下所殺以魏博留後樂行達爲魏博節度使

四年十二月新除滄德節度使王鐸爲魏博節度使樂

文德元年天雄軍亂囚其節度使樂彥禎其子從訓乞
兵於朱全忠攻魏全忠遣朱珍助之而魏軍殺彥禎從

訓戰死魏人立羅宏信

五代梁記

昭宗大順元年朱全忠敗魏軍於內黃五戰皆捷羅宏
信遣使厚幣請和朱全忠歸其俘還軍河上魏博自是

服於汴

通鑑

乾寧二年朱全忠欲攻兗鄆李克用遣李存信救之軍
於莘縣師還羅宏信襲取之

同上

三年魏博羅宏信敗太原軍於莘縣

本紀

六月李克用

東昌府志

卷之四

兵革

三美

攻魏州及其郭大掠六郡陷十餘邑報莘之怨也 十

二月李克用縱兵俘剽魏博諸郡邑

光化二年二月幽州節度使劉仁恭陷貝州人無少長

皆屠之

本紀

劉仁恭進攻魏州魏博節度使求救於朱

全忠全忠敗之於內黃葛從周又大敗仁恭破其八寨

追之至臨清擁其衆入永濟渠殺溺不可勝數

三年三月朱友寧攻青州朱全忠引四鎮及魏博兵繼

之六月王師範帥登萊兵拒友寧大破之斬友寧逐北

至米河俘斬萬計魏博之兵殆盡

三年正月魏博節度使羅紹威殺其衙內親軍八千以
本紀 魏博牙將史仁遇聚眾據高唐自稱天雄留後朱

全忠移軍攻高唐殺史仁遇
通鑑 是月魏博衙外兵五

萬自歷亭還分據紹威貝博等州

五代

梁乾元元年晉王李存勗攻魏州不克梁使杜廷隱將

兵助羅周翰衛城
通鑑 晉將周德威徇梁夏津高唐攻

博州破東武朝城
後唐紀

三年三月梁主自蔭縣夜遁走留貝州旬餘發貝州至

東昌府志 卷之四 兵革

魏州四月發魏州至黎陽 秋七月宣義節度使楊師

厚引兵入魏州牙城據位視事制以師厚為天雄節度

使徙天雄節度使羅周翰為宣義節度使

乾化三年楊師厚與劉守奇將汴滑徐兗魏博邢洛之

兵大掠趙境

貞明元年三月天雄軍亂賀德倫叛附於晉
梁紀 晉王

入魏州行至永濟誅亂首張彥
後唐紀 劉鄩知臨清有

蓄積欲據之以絕晉糧道晉將周德威急追畧鄩營而

避先入臨清鄩引軍趣貝州時晉王出師屯博州鄩軍

堂邑周德威攻之不克翼日鄆軍於莘縣晉軍踵之鄆治莘城塹而守之晉王營於莘西三十里烟火相望一

數戰

八月梁使澶州刺史將兵助劉鄆且招誘魏

鄆

梁將劉鄆急攻清平晉莊宗救之未及陣爲

鄆所掩石敬瑭以十餘騎橫槩馳擊取之以旋晉紀九

月晉人克貝州守將張源德死之梁紀

二年正月晉王留李存審於莘聲言西歸劉鄆引兵擊

魏攻城東晉王行至貝州返擊鄆大敗之後唐紀九月

晉人圍貝州州人出降晉王以毛璋爲貝州刺史

東昌府志卷之四 兵革

三

四年晉王發魏博白丁三萬從軍以供營柵之役

唐同光二年以李嗣源爲節度使鎮成德以防契丹屯

於博平明靈寨博平志

四年二月趙在禮反於貝州按舊志云李嗣源討平之

天成元年趙在禮爲帥焚掠貝州遂南趣臨清永濟館

陶所過剽掠六月滑州都指揮于可洪等作亂攻魏

博戍兵三指揮逐出之秋七月斬可洪於都市

晉天福元年天雄節度使劉延皓驕縱都虞侯張令

昭謀以魏博應河東乃帥衆攻牙城克之延皓脫走亂

兵大掠

通鑑

楊光遠克博州

晉紀

二年二月天雄節度范延光聚卒繕兵悉召廵內刺史集魏州欲作亂五月進范延光爵爲臨清郡王以安其

意

開運元年正月契丹陷貝州權知州事吳巒死之

舊志

博州刺史周儒叛降於契丹

晉紀

詔劉知遠兵擊契丹

知遠引兵屯樂平不進

詔以鄴都留守張從恩擊貝

州趙延照延照縱火大掠棄城而遁

二年契丹寇河北所過殺掠遊騎至貝州及鄴都之北

東昌府志

卷之四

兵革

三

境

二年契丹八寇至冀州成德節度使遣都指揮劉誠誨

等屯貝州拒之契丹聞之引兵北去

以上通鑑

宋

太祖乾德五年貝州驍健卒爲亂推都虞侯趙咸雍爲

帥運使王嗣宗率屯兵擊敗之擒咸雍磔於市

真宗咸平三年契丹引兵犯貝魏諸州寇準請帝幸澶

淵

景德元年遼主祖蕭后率其帝撻覽侵澶淵築城於館

陶東南爲歇馬城後人名蕭城

慶歷七年十一月貝州宣義卒王則據城反

本紀

通判

董元亨節度判官李浩清河令齊開主簿王潛死之

舊志

文彥博乞親平貝州

本傳

八年正月文彥博宣撫河北

本紀

總管王信擒王則送

京磔於市改貝州爲恩州

通鑑

皇祐二年維州叅軍王康赴官道博平大猾截道虎毆

康及女幾死京東轉運使陳希亮移捕甚急卒流之海

島山東羣盜爲之屏息

東昌府志

卷之四

兵革

罕

高宗建炎元年金王善襲恩州知州陳淬子仲剛死之

舊志

金貞元二年正月博州同知遙設等謀反伏誅

金史

紹興三十一年金人渝盟博州王友真起兵自稱河北

安撫制置使遣馮毅入朝

金大定二十一年閏二月己卯恩州民鄒明等亂言伏

誅

以上舊志

宋寧宗嘉定十三年元太祖十五年三月元東平元帥

府總領提控蒲察山兒破紅襖賊於聊城

舊志

十七年元太祖十九年夏宋大名總管彭義斌侵河北

元史天倪與戰於恩州敗之元紀

宋理宗寶慶元年李全攻恩州彭義斌出兵與戰全敗

走通鑑

元

至正六年盜扼李海務闢劫奪商旅元史

十七年九月命太尉紐的該守禦東昌時田豐據濟濮

率眾來寇紐的該擊走之

十八年二月紐的該以乏糧棄走田豐陷東昌路以上本紀

東昌府志 卷之四 兵革 聖

二十一年元將察罕帖木兒平東昌本紀 田豐殺元將

察罕帖木兒明紀

明

惠帝建文二年十二月燕兵薄東昌盛庸擊敗之斬其

將張玉明日復戰又敗之燕兵走館陶盛庸檄諸屯軍

合擊燕絕其歸路

四年正月燕師由館陶渡河南以上本紀

英宗正統六年濮州董氏謀逆伏誅遷東昌衛一所備

舊志

憲宗成化元年清豐賊馬鳳等劫掠東昌尋縛之舊志

武宗正德六年流賊劉六等寇館陶莘縣入邱縣城遊

擊將軍許泰帥師破之莘志河北盜楊虎趙遂等率眾

三千圍博平城知縣堅晟固守賊乃退博平志

霸州盜劉六劉七等掠博平恩等處陷高唐武城詔遣

兵部侍郎陸完提督軍務駐兵臨清討之恩志

世宗嘉靖元年青州盜起流劫東昌臨清指揮楊浩死

之千戶楊鸞避賊詔速治臨清志

神宗萬曆十四年十二月府卒郭大謀反伏誅其黨洎

東昌府志 卷之四 兵革 聖

懼推官劉芳譽焚其獄簿眾乃定舊志

十四年正月二十九日高唐土賊入城教官孫承科田

讓畔州判傅某並其僕俱死之是夜州治文卷皆焚倉

囚皆脫城中擄掠一空 七月博平城復破博平志

十七年三月李自成偽館陶令程文煥至河津生員兵

科給事中監軍凌駟工部主事代東昌道于連躍舉義

擒文煥梟首示眾館陶志 五月七日高唐人張根若等

殺偽官裴隆遇高唐志 恩縣土寇掠鄉村至城下恩志

陟治二年土寇掠恩縣恩縣志

三年土寇高二領張二晃等攻掠恩縣知縣王天鑑大

破之至六年始平恩縣志

寇起圍博平城三晝夜知縣夏

燦然及生員劉楷督民兵悉力拒守賊計窮遠遁博平志

文學劉楷力舉于勛辛巳大饑活人無算甲申之難自

縊於學宮聞空中語云尙有數萬人待汝救命繩斷復

蘇 九月土寇破荏平城荏平志

一 月山寇宋鴨蛋土寇三帽簷子等入高唐州又有

蘇 祭乃敦周軒等率衆入城劫殺十二月官軍勦捕

蘇 卷之四 兵革 聖

獲賊首崔三稜等斬之兵去人無固志判官胡應徵奮

勇死守城高唐志

四年十月三十一日館陶堂邑館陶堂邑志

注三十一年秋九月壽張賊王倫堂邑賊王聖如陷

壽張賊劉導吳堞把總楊兆相楊兆立並死

平壽張賊餘黨悉平

魏家首... 兵法人無國志判官胡應徵

身死守城... 志

西... 志

三... 志

...

...



...

...

...

...

...